



Broj: 05-4996-6/19

Sarajevo, 07. 02. 2020. godine

Na osnovu člana 23. stav (1) tačka d) Zakona o Agenciji za bankarstvo Federacije BiH („Službene novine FBiH“, broj: 75/17), člana 16. stav 1) tačka j) Statuta Agencije za bankarstvo Federacije BiH („Službene novine FBiH“, broj: 3/18), člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14), član 8. stav 2. tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), na osnovu preporuka komisije za nabavke iz zapisnika o pregledu i ocjeni ponuda, broj: 05-4996-5/19 od 30. 01. 2020. godine, u postupku javne nabavke računarske opreme, direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke računarske opreme

I.

Prihvata se preporuke Komisije za javne nabavke u otvorenom postupku javne nabavke računarske opreme za potrebe Agencije za bankarstvo Federacije BiH (u nastavku: ugovorni organ) i ugovor za javnu nabavku te robe dodjeljuje se poslovnom subjektu „Rebus“ d.o.o. Sarajevo, kao najbolje ocijenjenom ponuđaču u predmetnom postupku nabavke.

II.

Ukupna vrijednost ugovora iz tačke I. ove odluke bez uračunatog poreza na dodanu vrijednost (PDV-a), iznosi 31.933,00 KM.

III.

Po okončanju roka za žalbu, ugovorni organ će s izabranim ponuđačem zaključiti ugovor, kojim će regulisati međusobna prava i obaveze.

IV.

U skladu s članom 70. stav (6) Zakona o javnim nabavkama, ugovorni organ objavit će ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su sudjelovali u ovom postupku.

V.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka javne nabavke računarske opreme, broj: 05-4996/19 od 30. 12. 2019. godine, odobreno je provođenje postupka predmetne nabavke za potrebe ugovornog organa. Javna nabavka provedena je putem otvorenog postupka, a kriterij za dodjelu ugovora je najniža cijena tehnički zadovoljavajuće ponude. U skladu s članom 35. Zakona o javnim nabavkama, Obavještenje o nabavci

broj: 3010-1-1-428-3-58/19 objavljeno je na Portalu javnih nabavki (ejn.gov.ba), dana 31. 12. 2019. godine i Službenom glasniku BiH, broj: 1/2020 od 10. 01. 2020. godine.
Procijenjena vrijednost javne nabavke utvrđena je u ukupnom iznosu od 38.000 KM – bez poreza na dodanu vrijednost (PDV).

U skladu s odredbama Zakona o javnim nabavkama i procedurama ugovornog organa, posebnom odlukom imenovana je komisija za javne nabavke, kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnije ponude. Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda, u kojem je konstatovano da je po predmetnom postupku nabavke pravovremeno pristiglo 6 (šest) ponuda.

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova nadmetanja, komisija je utvrdila:

- da su ponude ponuđača „R&S“ d.o.o. Vogošća, „Time Code“ d.o.o. Sarajevo, „Digitarija“ d.o.o. Sarajevo i „Rebus“ d.o.o. Sarajevo prihvatljive, s obzirom na to da u cijelosti ispunjavaju zadane uslove i tehničke zahtjeve postavljene u tenderskoj dokumentaciji;
- da se ponude ponuđača „ProComp“ d.o.o. Zenica i „ASPO RAIL“ d.o.o. Sarajevo odbacuju na osnovu člana 68. stav (1) i (4) tačka i) Zakona o javnim nabavkama, iz razloga što su u istim evidentirane nepravilnosti, kako je niže navedeno:
- Ponuđač „ProComp“ d.o.o. Zenica nije ispunio minimalne uslove za kvalifikaciju navedene u:
 - poglavlju 2., tako što Izjava o roku isporuke ponuđača nije prihvatljiva, imajući u vidu da je u istoj navedeni ponuđač izjavio da je rok isporuke 30 dana od dana uplate, što je u suprotnosti sa zadanim uslovom iz tenderske dokumentacije, kojim je definisan rok isporuke od 45 (četrdeset i pet) dana od dana zaključenja ugovora, a kako je i precizirano u članu 2. stav (3) Nacrta ugovora u dijelu ugovora koji se odnosi na način plaćanja dobavljača, gdje je naznačeno je da će se plaćanje izvršiti žiralno na račun dobavljača, prema dobivenim instrukcijama za plaćanje, na osnovu njegovog ispostavljenog računa, koji sadrži opis predmeta ugovora, u roku od 60 (šezdeset) dana od dana prijema računa, uz obostrano potpisani zapisnik o kvantitativnom i kvalitativnom prijemu opreme – bez primjedbi,
 - poglavlju 3. - Uslovi za kvalifikaciju ponuđača, tačka 3.3. (Ekonomska i finansijska sposobnost – član 47. Zakona o javnim nabavkama) tenderske dokumentacije, jer je dostavio potvrdu izdatu od strane „Sparkasse Bank“ d.d. Sarajevo s navodima da njegov glavni račun nije blokiran u zadnjih 12 (dvanaest) mjeseci u periodu od 15. 01. 2019. godine do 15. 01. 2020. godine, što je u suprotnosti s zadanim uslovom u navedenoj tački tenderske dokumentacije, kojim je traženo da potvrda mora biti izdata od banke sa navodima da glavni račun ponuđača nije bio blokiran zadnjih 12 (dvanaest) mjeseci od datuma objave Obavještenja o nabavci (31. 12. 2019. godine).
 - poglavlju 3. - Uslovi za kvalifikaciju ponuđača, tačka 3.4 (Tehnička i profesionalna sposobnost – članovi 48. i 49. Zakona), s obzirom na to da je dostavio potvrdu o uspješnoj realizaciji ugovora druge ugovorne strane koja se odnosi na 2017. i 2019. godinu, što je u suprotnosti s zadanim uslovom u navedenoj tački tenderske dokumentacije, kojim je traženo da ponuđač ima uredno izvršen najmanje jedan ili više ugovora u posljednjoj poslovnoj godini (2018. godina) ili od datuma registracije, odnosno početka poslovanja ako je ponuđač registrovan, odnosno počeo s radom prije manje od 1 (jedne) godine, čiji je predmet isti ili sličan kao što je predmet javne nabavke, a čija je zbima vrijednost, najmanje, jednaka procijenjenoj vrijednosti nabavke.



- Ponuđač „ASPO RAIL“ d.o.o. Sarajevo nije ispunio minimalne uslove za kvalifikaciju u:
 - poglavlju 3. (Uslovi za kvalifikaciju ponuđača), tačka 3.3. (Ekonomska i finansijska sposobnost – član 47. Zakona) tenderske dokumentacije, tako što je dostavio Potvrdu izdatu od strane „Sberbank BH“ d.d. Sarajevo s navodima da njegov glavni račun nije blokiran u zadnjih 12 (dvanaest) mjeseci u periodu od 15. 01. 2019. godine do 15. 01. 2020. godine, što je u suprotnosti s zadanim uslovom u navedenoj tački tenderske dokumentacije, kojim je traženo da Potvrda mora biti izdata od banke sa navodima da glavni račun ponuđača nije bio blokiran zadnjih 12 (dvanaest) mjeseci od datuma objave Obavještenja o nabavci (31. 12. 2019. godine).

Nakon odabira prihvatljivih ponuda, ugovorni organ je pozvao ponuđače da sudjeluju u e-Aukciji, koja je održana dana 03. 02. 2020. godine u 10:00 sati, shodno članu 4. Pravilnika o uslovima i načinu korištenja e-Aukcije („Službeni glasnik BiH“, broj: 66/16) u trajanju od 10 (deset) minuta, a u toku održavanja zakazane e-Aukcije ponuđači „Rebus“ d.o.o. Sarajevo i „Time Code“ d.o.o. Sarajevo su aktivno sudjelovali, odnosno podnijeli nove cijene (vrijednosti), dok ponuđači „R&S“ d.o.o. Vogošća i „Digitarija“ d.o.o. Sarajevo nisu podnosili nove cijene. Konačno rangiranje ponuda nakon provedene e-Aukcije daje se u sljedećoj tabeli:

Redni broj	Ponuđači	Ukupna cijena, bez PDV-a
1.	Rebus d.o.o. Sarajevo	31.933,00 KM
2.	Time Code d.o.o. Sarajevo	31.965,00 KM
3.	R&S d.o.o. Sarajevo	32.000,00 KM
4.	Digitarija d.o.o. Sarajevo	38.000,00 KM

Na osnovu svega navedenog, primjenjujući zadani kriterij najniže cijene tehnički zadovoljavajuće ponude, u skladu sa članom 25., članom 64. stav (1) tačka b), članom 70. stavovi (1), (3) i (6) Zakona o javnim nabavkama i članom 8. stav (2) tačka d) Pravilnika o uspostavljanju i radu komisije za nabavke, komisija je predložila da se ugovor za javnu nabavku usluga dodijeli ponuđaču „Rebus“ d.o.o. Sarajevo, kao najuspješnijem ponuđaču u predmetnom postupku nabavke, s ponuđenom cijenom u iznosu od 31.933,00 KM.

POUKA O PRAVNOM LIJEKU:

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 97. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

Dostaviti:

- svim učesnicima u postupku
- a.a.

